

欽  
定  
全  
唐  
文

欽定全唐文卷四百七十九目錄

呂元膺

封還授孔戡衛尉寺丞分司東都詔奏

驃騎大將軍論公神道碑銘

并序

鄭雲逵

奏弟方逵不孝狀

唐故劍州長史贈太僕少卿汝州刺史隴西李公

神道碑銘

并序

裴堪

請祀嶽瀆親申拜禮奏

許孟容

停齊總為衢州刺史敕命表

請再令憲官驗祖好時奏

夏旱上疏

德宗神武孝文皇帝諡議

順宗至德大聖大安孝皇帝諡議

穆公集序

唐故侍中尚書右僕射贈司空文獻公裴公神道

碑銘 并序

祭楊郎中文

欽定全唐文卷四百七十九

呂元膺

元膺字景夫鄆州東平人建中初策賢良高第貞元朝拜  
右司員外郎出爲蘄州刺史憲宗朝拜吏部侍郎以疾改  
太子賓客元和十五年卒年七十二贈吏部尚書

封還授孔戡衛尉寺丞分司東都詔奏

孔戡以公爲盧從史所忌且離職已久李吉甫以宰相出  
鎮辟請非涉嫌疑推類言之河陽節度行軍司馬楊同慈  
史官崔國楨或處近職或倖戎府皆爲吉甫奏在幕庭從

史以嫌忿干黷朝典豈可曲徇其志且孔戡官序雖非黜退但因此改易則長奸邪之心臣恐忠正之士各懷疑慮事不可許

驃騎大將軍論公神道碑銘

并序

公諱惟賢字惟賢其先西土人也高祖諱東贊作相于西戎因官立姓遂爲論氏貞觀中威懷四夷翦滅北虜蕃戎欵附萬里獻琛慕嚮華風欲爲和親延頸企踵心馳闕下太宗皇帝覽其誠至遂許之公主時戎王遣相東贊爲使來迎不忒其儀不愆於素召見顧問進退合旨詔以瑯琊

公主外孫女妻之東贊自陳以本國有妻又以贊普未謁  
公主陪臣不敢先受殊寵太宗嘉之又奇其對撫以厚恩  
遂有歸化之心曾祖陵與祖躬仁同總衆于東至高宗朝  
拔部落七千餘帳歸國拜特進左玉鈐衛大將軍封歸懷  
郡王褒忠獎誠寵錫殊厚子孫因家自銀州至于京兆祖  
躬仁朔方副大總管雲麾將軍行左驍衛大將軍酒泉郡  
開國公贈撥川郡王諡曰忠自高曾至大父皆有勲烈著  
于當時父誠節朔方節度副大使開府儀同三司右金吾  
衛大將軍知階州事武威郡王賜太子太傅天寶季年安

祿山作逆塵起山東上皇省方於巴蜀肅宗巡狩于朔陲  
危亂之時見其臣節帥子弟及家僮以牧馬千駟罄其財  
用以奉禁旅公少有志尚奮身轅門隨先父統其士馬與  
元帥哥舒翰犄角扞寇鋒刃旣接大小數十戰摧陷堅陣  
洎王師失御以智信保全所領之軍馳于靈武扈從肅宗  
與先父洎乎昆弟立勲成效不可備述至德中授壽府典  
軍次授左衛郎將賜紫金魚袋俄轉左監門率又遷左領  
軍衛將軍又特進右領軍衛大將軍西平郡開國公食邑  
三千戶元勲之允受茲光寵先時代宗皇帝爲天下元帥



求武勇之士公與兄懷義惟真同爲先鋒討擊使又領部  
落數千人鎮岐陽縣披堅執銳一月三捷洎除兇清亂至  
上元二年授特進行大光祿兼右領軍衛大將軍充鳳翔  
節度副使馬軍兵馬使寶應中丁艱茹荼朝廷以金草從  
權由斯奪禮廣德二年授開府儀同三司殿中監充劍南  
節度副使大厯中受開府儀同三司太常卿上柱國進封  
成國食邑三千戶旋受渭川節度都知兵馬使公以從戎  
歲久雖齒髮未衰而疾疢屢作代宗寵其勲舊詔許還京  
仍全祿賜同大將軍俾其優閒建中末德宗遷幸巴梁公

以所疾沉綿不獲扈蹕逆臣朱泚迫以兇威不變其志雖  
積年之疾累日而瘳貞元十五年授驃騎大將軍行左武  
威衛將軍上柱國公斯實朝廷獎舊勲矣止足求退俄以  
本官致仕中使就問寵秩有光元和四年七月十日寢疾  
終於靜恭里之私第以某年十月一日塋於萬年縣洪固  
鄉之古原故夫人太原王氏祔焉詔給鹵簿鼓吹所以褒  
寵也嗣子輔鼎同州白水縣丞次曰倜常州江陰縣尉次  
曰倝右領軍衛騎曹參軍泣血茹荼存無改之義公之季  
弟惟明爲時英髦文武備用建中興元之際仗義討逆摧

珍兇徒勲彰險艱謀著忠益貞元初以太常伯執金吾授  
錢渭北八座互相崇獎忠功元膺獲佐戎幕備閱忠義由  
是盡知公之世業勲德矣銘曰

大忠之允本自西土奕世崇勲旣明且武在太宗時有道  
攸覩洎夫撥川緒業光輝天寶季年塵起幽燕自興其家  
珍寇功全乃拜公侯寵榮無替用表豐碑昭于東裔

鄭雲達

雲達滁州刺史昺子第進士德宗朝擢拜諫議大夫遷禮  
部侍郎爲李晟行軍司馬元和初終京兆尹

奏弟方遠不孝狀

方遠受性克悖不知君親眾惡備身教訓莫及結聚惡黨  
江中劫人臣亡父先臣昉杖至一百終不能斃張延賞任  
揚州日亦曾犯延賞法決殺復蘇至于嘗言皆呼臣亡父  
先臣名親戚所知無可教語昨聞於邠寧慶等州干謁節  
度使及州縣乞丐今見在武功縣南西戎附近恐有異謀  
若不冒死奏聞必恐覆臣家族

唐故劍州長史贈太僕少卿汝州刺史隴西李公

神道碑銘

并序

夫蹈道而不獲乎上育德而不尊其位有之矣在西漢有

東海于公在東漢有

闕五字

其

闕一字

也

闕一字

範

闕一字

福好德

闕二字

乃知道者善之

闕一字

德者福之

闕一字

苟茂其道豐其

德而福不在乎其身必鍾其後嗣稽之行義質諸聖謬

闕一字

字

德於

闕一字

陳者李公其人矣公諱廣業字

闕二字

隴西成

紀人也惟我景皇帝仕魏八柱國唐國公公五代祖也若

后稷肇封將嗣八百之運

闕一字

海州刺史亮惟我神堯皇

帝受昊穹靈命行敦敘之典追封鄭王贈司空公高祖也

若夫

闕一字

沒廿方受勾

闕一字

之

闕一字

皇朝

闕三字

行臺尚書

州牧淮安王神通公會祖也若毛畢佐周翦商功參

十亂皇朝左驍衛將軍淄川郡王李同公王父也

太后臨朝

闕一

朱虛

闕一

祿

闕一

之竊威

闕一

平

闕一

以

定國皇朝雲麾將軍璿公之烈考也原夫至道元氣之化

成也融而為川澤結而為山阜崇功大業之

闕一

美也散

而為英雄聚而為哲賢惟公祖曾盛烈昭配上元儲孕福

裕鬱生才彥

闕二

中庸

闕三

知

闕二

服膺一善以

闕二

能

年踰弱冠

闕五

天子有事于郊丘宗室陪位國慶覃恩釋

褐授寧州參軍

闕一

而就列非

闕三

後以序遷左威衛

闕二

參軍右金吾衛字闕一曹參軍許州扶溝縣丞右羽林司

階陝王府典軍渭州別駕劍州長史字闕一用體道冲讓闕一

字聞政闕五服闕八抱關之祿故字闕三百轍自退焉珪組

貴胄對有慙德本仁為行施之則誠於君為忠在親為孝

字闕一歲丁雲麾憂字闕三節力能字闕四滅性甘淡字闕二人無

所加洎府就禮經衣裳外釋蒞官居處動思揚名敬慎膚

體歸於字闕四鄉里過於刑賞信字闕二朋字闕一非久要公以

微言既絕是非莫分春秋經旨仲尼所志三代之禮家分

糴雜淹中之說最符孔氏故暢二字闕一旨義成一家師法

關二情性關二樂道以開元十八年八月二日終于劍州

官舍春秋五十有一以其年十二月遷祔于京兆府三原

縣關一原鄉之北原先塋禮也嗚呼以公之成德也宜其

臻關二登關一位而年屈中壽位窮綱佐仲尼有喪子之

歎其在茲乎厥後關二十少卿關一州刺史嗚呼生得天

爵之貴歿有廟享之尊盛矣哉關里之關一也公之元子

皇戶部尚書河東朔方六道節度都統關二間秀風

雲毓德當莽卓盜國之際總齊晉勤王之師隱如長城克

固磐石次子若水皇金吾衛大將軍兼關二舍人關九巡



之禮而臣下之也何以言之王者父天母地兄日姊月星辰視昆弟嶽瀆視公侯以此明之星辰嶽瀆是天地之臣也秩視人臣也陛下與天地爲子遣使申祭恐不合令受天父地母從官之拜宜有以答之故開元禮祭岳瀆祝文皇帝稱名又云謹遣於義有必拜之文是國家著禮以明神爲敬不以臣下爲禮以臣等所見並請依證聖元年定制有司行事須申拜禮

許孟容

孟容字公範京兆長安人舉進士甲科又第明經授校書

郎累拜太常少卿憲宗朝遷尚書左丞拜東都留守元和十三年卒年七十六贈太子少保諡曰憲

停齊總爲衢州刺史敕命表

臣伏見今日恩制除衢州刺史齊總臣竊有所慮恐驚物聽不敢關下陛下此者以兵戎之地或有不獲已非次擢授者今衢州無他虞齊總無殊績忽此超授羣情驚駭又齊總是浙東判官今詔敕稱權知浙東觀察留後攝都團練副使向前未有敕命今便用此下詔猶恐不可齊總若可選拔不假此事若未可選拔假此益使人疑陛下臨御

已來凡所選用皆爲至公旣非聖情所難改移即臣安得  
不動有論諍若齊總必有可錄陛下須要酬勞即明書課  
最超一兩資與改今四海舉朝之人不知齊總功能衢州  
浙東大郡總自大理評事兼監察御史授之使遐邇不甘  
兇惡騰口伏乞聖慈少迴覽臣所請陛下若謂臣爲不切  
不懇伏乞陛下試停茲詔密使人於外聽察必賀聖明開  
納必賀聖明無私禽魚草木亦知感悅歡聲必山呼雷動  
聖德必一日萬里授官中謝日具以面奏詔敕有不便者  
伏請封取進止今齊總詔謹隨封進

請再令憲官驗祖好時奏

府縣上事不實罪止奪俸停官其於宏宥已是殊澤但陛下使品官覆視後更擇憲官一人再令參驗則察視轉審隱欺益明事可觀聽法歸綱紀臣受官中謝日伏請詔敕有須詳議者則乞停留畧刻得以奏陳此敕旣非急宣可以少駐

夏旱上疏

臣伏聞陛下數月已來齋居損膳爲兆庶心疲又敕有司走於羣望牲於百神而密雲不雨首種未入豈觴醪有關

祈祀非誠爲陰陽適然豐歉前定何聖意精至甘澤未答也臣歷觀自古天人交感事未有不由百姓利病之急者切者邦家教令之大者遠者京師是萬國所會強幹弱枝自古通規其一年稅錢及地租出入一百萬貫臣伏冀陛下即日下令全放免之其次三分放二且使旱涸之際免更流亡若播種無望徵斂如舊則必愁怨遷徙不顧墳墓矣臣愚以爲德音一發膏澤立應變災爲福期在斯須戶部所收掌錢非度支歲計本防緩急別用今此炎旱直支一百餘萬貫代京兆百姓一年差科實陛下巍巍睿謀天

下鼓舞歌揚者也復更省察庶政之中有流移征防當還而未還者徒役禁錮當釋而未釋者逋懸饋送當免而未免者沉滯鬱抑當伸而未伸者有一於此則特降明命令有司條列三日內聞奏其當還當釋當免當伸者下詔之日所在即時施行臣愚以爲如此而神不監歲不稔古未之有

德宗神武孝文皇帝諡議

皇莫大於義軒帝莫加於唐虞姒氏商鑄亦續憲度咸紀名諡以揚昭光徵儒臣之議所以本至公也號全德之尊

所以節一惠也發揮茂曜如揭日月伏惟大行皇帝文思  
濬哲天縱神授大明繼聖大孝尊親服道稽古洗心藏密  
巍巍易簡赫赫功造嚴祖宗而上下昭假仁億兆而飛沉  
表靈始者薊寇殘魂戎旌未偃方由雍邸出總虞師刷讎  
恥而戴君父超維城而升少海元良有開歷數誕膺同商  
宗而心在諒陰泣漢制而禮從權令然後諏咨對越端拱  
而理時丁浸沴盜起泚烈宸算獨復雲雷駿奔浹底定  
鯨燦殲洗反已哀痛大猷彌尊阪泉威武止殺弔人之志  
也金方朔陞獫狁昆夷趙趙獷悍不敢不率丹穴南裔扶

桑東極自古未化占風而至鏡照廣及無思不服之德也  
大本達道是爲中和鼓而舞之名我至樂變革繁淫以貞  
神人奉聖順聖元侯繼獻九成八佾聖作明述垂衣脫劍  
訢合猗那之奏也觀文化成匠物研精四始六義勤詣風  
雅洪音巨麗焜耀皦繹立言垂訓丹書元鳥之作也蠲疴  
保全壽夭之門方疏溥錫目之廣利札瘥不聞長養推仁  
施齊天地如保赤子之誠也教由德禮人乃恥格古作訓  
夏我箴政刑載宏哀敬用息刀鋸利見大人循本愧心之  
旨也躬信厚而偷薄以革體清明而貪饕以懲納匪躬之



直無毀校防川之誤推輔理之功有輻輳並進之歎泥金  
方草仙鼎忽成汗漫無從希夷永閔哀同軌之將會仰鴻  
名之可易鋪衍至蹟錫平無窮謹按經義參諸諡法曰應  
物無方之謂神保大定功之謂武尊仁安義之謂孝經天  
緯地之謂文大行皇帝變化無窮樞衡在握神莫過焉金  
湯善師豺狼擾馴武莫威焉承休繼志永錫不匱孝莫大  
焉輝焯王度煥乎黼藻文莫逾焉考墳史而徵德實請上  
尊諡曰神武孝文皇帝廟號曰德宗

順宗至德大聖大安孝皇帝諡議

臣上稽太古皇帝之建尊諡也咸揭盛德以旌至公備禮  
於郊即天成命易名之典也故堯不稱巍巍成功而以傳  
聖爲盛德禹不稱乃錫元圭而以成功爲盛德此五帝三  
王統天作諡之大範也伏惟大行太上皇天作睿哲生知  
太和揚九聖之耿光開萬紀之休運雲行雨施不俟終日  
廣愛博教克成浹澤萬物德大乎羲軒公天下道高乎  
堯舜原夫君人之表教於岐嶷造物之用先乎蓍龜在宮  
播爲善之樂主器流作貞之慶視膳有法文之孝撫軍有  
戡羿之庸毓全德於春闈積大望於覆育垂三十載矣三

善方躋乎聖敬六氣遠嬰乎沈痼德宗皇帝慮繼明之重  
深惟疾之憂積其不憚至乎大漸天崩地坼當瞑眩之辰  
流沙漸海有震動之懼而大行太上皇明德動天神化無  
爲上虔九廟下恤兆人深冀翌日之瘳大慶即端之作於  
是建冢嫡以發大號赦天下以壯皇猷聖作明述周流灌  
注若乃奄巖穴以搜賢才能官則哲之道也黜進獻以藝  
貢賦籍田任土之利也滌疵瑕而復放竄解網泣辜之仁  
也蠲逋責而惠困窮寬大易簡之義也用能垂拱而神人  
交泰元默而動植究安巍巍蕩蕩聖德如風烈雷迅不崇

朝而溢乎八紘矣猶爲以黎獻之富教未洽陵寢之制度  
未成深圖甘害於恬頤力政不憚於增劇旣而同軌畢至  
萬邦咸寧奉先之孝克終傳聖之義斯舉釋負寶位栖神  
玉清追姑射之高踪樂華胥之妙道大矣哉與天地合其  
德則不爲而成與變化合其神則不疾而速聖造盤薄元  
風汪洋所謂天授非人力也方陋唐虞之異族樂文武於  
同時振耀重光永清四海孰謂初陽變候素疾彌留徵秘  
術而俞扁必臻走羣望而圭璧斯罄何翠華之不駐乘白  
雲而上仙攀號刀劍哀震寢區皇帝悼極憂以致養痛大

數之不延外遵易月之命內茹終天之酷詞不朽於禮諡  
旌罔極於受恩敢敷聖德垂鴻惇史謹按易曰天地之大  
德曰生聖人之大寶曰位諡法曰寬裕和平曰安敬慎所  
安曰孝大行太上皇乘運統天端拱造物可謂至德感神  
翊運光明正位可謂大聖永圖丕構傳聖保和可謂大安  
九族安之兆人賴之可謂大孝下採華夷之望上合神祇  
之心請上尊諡曰至德大聖大安孝皇帝廟曰順宗謹議

穆公集序

班孟堅謂有漢文章與三代同風巨唐化成稽古斯文配

炎靈之盛浸息淫靡歸於正聲由是業文之士蓄靈含粹  
光價時獨者往往間出吾友河南穆員字興直麟蔚鳳采  
自天而授誦六經得其研深閱百代得其英華屬詞匠意  
必本於道夫龍圖龜書三統之有述皆文之蘊也自雅頌  
風騷而下則又粉澤而成黼藻雕鐫而爲形象比其音而  
曲度之緣其情而哀樂之悠遠易直昭明典則本情性而  
根教化者率漫羨魁壘繁音豔彩習怪誕而尚沉溺者也  
穆君泝其波流擇其宗師以爲文宣王經春秋序詩書繫  
易象猶日月不可及矣游夏荀孟李斯賈誼之徒是宜學

者十駕百已鑽仰而憲章者也故其文融朗恢健沉深理  
辨墉閫四會精銚百練結而爲峻極散而爲游衍其工也  
異今而從古其旨也懲惡而從善跡夫孝於其上慈於其  
下擇中庸而後蹈推久要而後交則向之詞藝由積衷淳  
耀發而爲身瑞者也顏回黃憲仁而天促揚雄司馬遷才  
而不試穆君年逾四十用止慕畫并四賢之德器而祿壽  
似焉彼洪鑪埏埴真宰不直歟爲天地無心芻狗萬化歟  
大凡碑誌文冊銘贊記序六十五首共成十卷於先府君  
先夫人元堂誌見自身刑家自家刑國父父子子夫夫婦

婦之道於祭顏太師張相國文見君仁臣忠捍患成功感  
憤激烈死輕鴻毛之道向使假其永齡登金馬石渠與獻  
納論思之臣發揮謨訓潤色王度則聖朝文苑頌甘泉賦  
羽獵卿雲褒皋羣子之列加一士也斯楊嗣仁所以賦已  
友之哀余所莫疑矣宋之問遺草編次授於伯兄舊御史  
中丞今常州刺史善知音者唯子期乎發篋開卷如升元  
圖將垂來代敢失其傳

唐故侍中尚書右僕射贈司空文獻公裴公神道

碑銘

并序



地配天而萬有生息賢合聖而百常順序巨唐六葉明皇

帝登寶位之廿一祀得師文臣侍中文獻公闕二階益闕一

字鏡照孟清陳力推闕一昭闕六耀卿字子渙河東聞喜

人也伯益裔孫非子周封於秦至桓公少子鍼去國食采

於晉其邑曰韮遂爲氏焉自鍼至闕一代祖闕一四葉昭

義振闕一重闕十景仕周舉秀才富平縣令大王父正隋

豐州司馬蘇州大總管府贊治王父睿皇朝舉秀才授許

州司戶登明經高科遷闕二郎闕三考守真闕九封尉太

常博士詳正學士夏官員外成寧二州刺史贈戶部尚書

公即尚書府君第三子也初河東夫人之夢熊羆神

闕二

字

第聖

闕一

中書判入等補麟臺正字未幾丁尚書府君

憂荼蓼之毀禮不能節服除調集以太夫人有羸老之疾

乞闕官

闕十

翰索轉國子主簿詹府丞太夫人捐館莫

闕一

字

溢米哀憐滅性制終除河南士曹叅軍睿宗

闕一

嘗列

宮寮加朝散

闕二十

時謂淫雅不雜而繩墨誠陳也亟轉

兵部郎中長安縣令轂下塗多事并刊弊相習名迫

闕一

誤堅貞鮮遂公更張其

闕二

月政稱神明時宰有銜初醜

正者出濟州刺史索換宣冀二州清明愷悌三郡一政物

皆饒阜人不闕一欺而濟陽信都闕二十除左庶子仍領

崇文館事疾閒復拜戶部侍郎尋遷京兆尹上曰神都地

有歸會豈闕一更宜處風化取則付之於卿公下車而闕

四革闕一漁奪兼并者讓田而市義穿窬椎剽游惰苦窳

莫不耿禁令而却走視條經而易業明皇帝嘉器任闕一

適每前席以聽闕十糴貴幸活也上徵救人之術公述陳

王者損上益下宅土中關內之利因奏鼎新漕運以廣儲

廩置河闕一三門闕一崖集津倉闕十有陘東之積中都

有不涸之饋功齊神化利及億兆逋負之徒征徭之眚追

琢貞珉詠謠仁智今存於道左明皇帝舉勞旌善擢授十闕

四字士天下轉運都使尋遷侍中加銀青光祿大夫又以千

畝五推之禮加金紫光祿大夫中書令張九齡奏請和鑑

鎡鈞公以為六闕夷州刺史楊一字賊汚詔下闕一寵仍

杖六十公以為郡守當父母百城鞭闕一實闕一損闕一

敬以流代死聖朝之寬典也殘毀九闕一河西隴右兩道節

度公密疏曰嘉連長字闕一趨悍勁勇闕於沈深計慮矜功

侮敵恐未百全後果喪師失律大起邊患三者皆悉闕一八字

藻闕一衡之動由其極齊闕三溥博幾闕一用有藏晦中

字

衡之動由其極齊

字

溥博幾

字

用有藏晦中

下至公鴻鵠不翦麒麟在馭九霄咫尺萬里跬步躡影搏  
風遏之中路天若可問余徵其故先哲嗣仁蕃翰蓋臣南  
國之紀洞庭之濱叫呼在聆淚血在中擗裂酸楚悽心動  
神賓階寂寥總帳叅差露濕芳樹風淒曲池劒光塵昏履  
跡苔滋幽琴戛而無聲玉笋盈而不持惟古今之俱盡悟  
彭殤之一期留景食霞今昔人謂誰隙駒舟壑今達者不  
悲齊修短於一致必後先之匪移平生理言造次在茲本  
懸解之達觀吁坦懷而暫夷哀挽徐出泉臺永閔觴豆匪  
馨塗芻有位蒼山霧羃素漣波駛紛帷幘之依遲杳精魂

之髣髴匍匐友好伶俜孀稚玉樹春凋文星晝墜士歎梁  
木朝嗟國瑞三月徒來百身無異緘惋痛於曾抱孰哀調  
之可既尚饗

欽定全唐文卷四百八十目錄

唐次

白帝祠祈雨文

祭龍潭祈雨文

祭蜀先主祈晴文

祭楊判官八弟文

高參

漢高祖僞遊雲夢議

崔恭

唐右補闕梁肅文集序

韋稔

涿州新置文宣王廟碑

呂頌

賀南郊大赦表

黔州刺史謝上表

謝賜春衣及牙尺表

謝賜冬衣表

謝賜冬衣表



謝端午賜衣及器物等表

謝勅書賜臘日口脂等表

謝勅書賜臘日香藥口脂等表

謝賜口脂表

謝賜口脂等表

爲張侍郎乞入覲表

再請入覲表

降誕日進光明砂等狀

降誕日進光明砂丹等狀

賀陸相公拜相啟

賀趙相公拜相啟

謝竇相公除男襄州叅軍仍許隨父啟

欽定全唐文卷四百八十

唐次

次字文編莒國公儉從孫建中初進士貞元八年爲開州刺史韋皋鎮蜀表爲副使德宗密諭皋罷之次爲書三篇曰辨謗畧上之德宗怒改夔州刺史憲宗立召授禮部郎中知制誥終中書舍人

白帝祠祈雨文

維年月日謹以清酌之奠敢昭薦於公孫帝之靈帝以雄傑之度遇雲雷之屯思翼中夏遂荒南土覽江山之積岨

總威武以鎮衛高築雉堞遂城於茲憑秋方肅殺之名阨  
硤口崩騰之險邦人敬仰永飾閔宮水旱之災每歲祈禱  
闕而斯應福及黎庶今大火已流商風始至時方旱暵稼  
穡如燔敢以精誠用祈明哲庶滂沱大霑匪夕而朝酬報  
之盛冀填瑤席

祭龍潭祈雨文

維年月日謹以清酌之奠致祭於清江石門之龍潭曰惟  
龍圖全其軀以安其居庇祐蟪蝼馴擾龜魚龍之道也興  
致雲雨鼓動雷霆稔此蒸人助我發生龍之用也全其軀

莫若靈茲潭安其居莫若庇茲土龍生雲霧雲能施雨雨  
雲感召黎元鼓舞既慶成熟而無厲疵也今歲旱暵金石  
將流水不潤下江不勝舟種稂皆萎稂莠滿野雷隱隱而  
有聲雨垂瀉而不下名山大澤飄疑浮野馬唯龍獨潛茲  
潭瀕洞泓澄水面如紙纖雲不生邃宮固護重門晝扃不  
克民望不歆我誠若旱氣滌滌秋成莽鹵自利深淵乖張  
嬾旅我當涸龍之潭露龍之處跨龍之脊鞭龍之股俾之  
揚雲而大其雨是則人役龍也非龍德於人若果我懇懷  
酬報當極投以金蠶增以石玉潛鼉皆血翔鸞盡炙其餘

馨美亦滿瑤席嗚呼初薦至誠中告直詞未當肆力以用其奇惟龍惟靈念茲擇茲急急如律令

祭蜀先主祈晴文

年月日某官謹遣某乙以清酌之奠敢昭薦於蜀先主之靈惟靈開業保疆始終此土英聲厚德實冠於時知人拔才橫出千古仁深運促徂落於茲宮觀雖平廟貌猶在歲時水旱皆薦馨香德惠於人人仰其德氓心吏意小大皆虔今夏潦逾旬洪波四漲邑屋有墊溺之懼麥禾有淹浸之危而急浪奔流漸襄高嶺某奉詔守郡政化未敷懼其

災沴以病稼穡敬奠元醴又燔薰香庶以精誠感於明德  
使神明之佐騁其智英雄之將奮其怒以遏雷霆之震以  
滅漂蕩之聲鏡洗層霄百物綦茂濕雲不泄陰霓潛收開  
此晴霽以欽神化祈而有應大報牲牢伏惟尚饗

祭楊判官八弟文

惟年月日姨兄開州刺史唐某以清酌庶羞之奠敬祭于  
楊判官八弟之靈平生懿密重以嘉姻四海之內惟君一  
人發自總角逮于知命遨遊讌寢一歌一詠周流俯仰得  
君輝映野寺孤亭松門竹徑接襟援手和神繕性霜鶴唳

天玉音在聽空室間齋枯槁爛柯自非偉生受勝相磨坐  
隱終日負進亦多歷歷笑言其言若何歡事勝遊皆隨逝  
波事均榮感心冥貴賤骨肉爲交肝膽相見嗚呼哀哉婉  
予幼妹爰居爾室既結其褱載和琴瑟何年齡之脆促乃  
貞美之先失悼手足之零落又吾人之凋歿以君之才以  
君之義合蹈豐福合居上第行與命違道將時背遏此仁  
厚天胡不惠博雅裴君鎮此南土大招髡髦鵷鴻作侶曾  
未累月中茲炎毒百藥無驗頽齡愈促悵悵旅魂淵淵鰥  
目目雖瞑而有恨魂強招而可復加有傷怛況惟我親涕



淚橫隨遍乎衣巾想容色今如在覽毫翰今猶新嗚呼哀哉神理昭然幽途可覲悲心自攢痛淚血漉何疇日之歡愜變今辰之空閨歸葬猶緩俟君冢嫡魂今歸來安此幽宅嗚呼哀哉尚饗

高參

參師事獨孤及建中元年爲中書舍人三年以兵部郎中爲舒王誼元帥府掌書記

漢高祖僞遊雲夢議

或曰漢高帝僞遊雲夢以擒韓信果哉其智足稱也予以

謂漢祖不思宏遠之規而務一時之計於是乎失政刑矣  
聖人貴正不貴幸與律不與臧昔者明王五載一巡狩令  
諸侯各朝于方岳大明黜陟故無德者削地有功者進律  
漢時君臨萬國示人以偷僞遊之名不可以訓且當此之  
時韓信未有逆節一朝繫信而生諸侯之疑天下皆疑則  
所利者少而所失者多矣昔崇伯之方命圯族共工之靜  
言庸違帝堯以則哲之明而未有去者蓋以其行僞象恭  
且有四岳之舉故也向使堯惡四凶之行拒四岳之舉不  
待試用加之誅放天下必以爲戮不辜矣夫刑一人使天

下知其罪則服賞一人使天下知其賢則勸若賞而不勸  
刑而不服堯所不爲也漢祖不能斟酌古典卒用陳平之  
言執信而歸於京師一二年間韓王信反馬邑趙相貫高  
謀柏人陳豨反代地彭越黥布盧綰之徒悉以叛渙豈非  
服勸用刑之失歟傳曰君人執信臣人執忠古之盟主恥  
襲侵之事況光有天下者乎於戲悠悠千載變詐萌生使  
天子不復言巡狩諸侯不敢議朝覲大者自嫌強盛小者  
懼於囚執是恩信不流于下而忠孝不達於上王者之澤  
寢以凌遲自雲夢始矣

崔恭

恭官太原節度副使檢校右散騎常侍汾州刺史

唐右補闕梁肅文集序

敘曰皇甫士安志好閒放不榮軒冕導情適志作高士傳  
贊記遺韻風猷尚在而公早從釋氏義理生知結意爲文  
志在於此言談語笑常所切劘心在一乘故敘釋氏最爲  
精博與皇甫士安之所素尚亦相放焉則今天台大師元  
浩之門弟子也摳衣捧席與余同焉故能知其景行收其  
製作編成二十軸以爲儒林之綱紀云若夫明是非探得

失乃作西伯稱王議宗道德美功成作磻溪銘四皓贊釣  
臺碑北橋碑絜當世激清風作先賢贊獨孤常州集序觀  
講論語序美藝文善章句作李補闕集序隱士李君遺文  
序備教化彰諷詠作中書侍郎贈太子太傅李公集序開  
國公包君集序總名實樹遺風作常州獨孤公遺愛頌太  
常卿常山郡開國公崔公神道碑惡戎醜思康濟作兵箴  
敘宗系思祖德作述初賦病流濫悅故居作過舊園賦明  
大道宗有德作受命寶賦其餘言志導情記會敘別總存  
諸集錄歸根復命一以貫之作心印銘住一乘明法體作

三如來畫贊知法要識權實作天台山禪林寺碑達教源  
周境智作荆溪大師碑大教之所由佛日之未忘蓋盡於  
此矣若以神道設教化源旁濟作泗州開元寺僧伽和尚  
塔銘言僧事齊律儀作過海和尚塔銘幽公碑銘釋氏制  
作無以抗敵大法將滅人鮮知之唱和之者或寡矣故公  
之文章粹美深遠無人能到此事可以俟於知音不可與  
薄俗者同世而論也余之仰止未盡其善蓋釋氏之鼓吹  
歟諸佛之影響歟余所不者道其窮歟常懷不言之歎杳  
冥之恨爾後之人識達希夷意通響象知我之言之不忤

耳若以敘人倫正褒貶則人皆知之非獨情至而稱其製作也大約公之習尚敦古風閱傳記硜硜然以此導引於人以爲其常米鹽細碎未常挂口故鮮通人事亦賢者之一病也夫子所謂君子多乎哉不多也故無適時之用任使之勤余故以皇甫士安比之若管夷吾諸葛亮留心濟世自謂棟梁則非公之所尚也所謂善古而不善今知賢而不知俗故論贊碑頌能言賢者之事不能言小人之稱享年若干以某年月日終于長安某里朝廷尚德故以公爲太子侍讀國尚實錄故以公爲史館修撰發誥令數王

猷故以公爲翰林學士三職齊署則公之處朝廷不爲不  
達矣年過四十士林歸崇比夫顏子黃叔度不爲不壽矣  
其碌碌者老於郎署白首人世又何補哉於達者不可以  
天壽之歎而病於促數焉公遺孤歿後而生今已成立則  
友朋之知臧孫之後存於此也

韋稔

稔魏州人

涿州新置文宣王廟碑

天下郡縣悉有文宣王廟而范陽郡無者何范陽本幽州



之屬右碣石左督亢流水經其前後有林麓陂池之利至于闌闐井肆之大關梁襟帶之固自河達燕其北不過一二先朝次列縣之級第爲望領戶萬流庸附占者如之兵興人拚茲又獨阜且倍幽之南百里而遙居鄭之陰二百里而近磅礴周廣隱然名區大厯初詔剖幽之范陽歸義固安爲州因涿郡之地題爲涿第爲上以范陽爲治所縣遂爲州治矣然此爲邑者率以多故未遑建置春秋釋奠蓋伺州之已事假遵豆寄升降於故階迨今幽州盧龍節度觀察等使工部尚書御史大夫彭城劉公建中初假道

州縣操長是邑覩茲遺闕喟然嘆息顧其僚曰學所以知君臣父子之義者昔在三代皆鄉里有教兩漢以降罔不述用三德矧今朝廷頒宗祀之詔郡縣畢置清廟溥崇明祠今州廷大張縣署悉陳而至聖先師時享無所豈導人重道之意乎彼劉昆創祭器爲禮范甯養生徒興化皆所以達萬類而朝宗至禮也吾宰三百里作人父母必權輿斯廟以爲人紀乃視縣前近里之爽塏心規其制口劃其地度廣狹之量平廬舍之區發其居人直以官俸給以瓦木丹鐵之費匠人作徒之要又以家財散之人不知役廟

倏云構聖賢之像備饋奠之器具庭除肅然黎元翕如皆  
不待施而悅不待教而變於是置食錢二百萬徒三千員  
洙泗之風集於期月時公年始弱冠方剛之日克明古訓  
君子是以知公奉若典謨其將來者大矣令廣平宋駿方  
介直之士也倚法不削愛公如私以能名自薊縣而來遷  
政率由舊履公之躅守而弗失覩公之爲政而不及學舍  
異文翁之後罔或繕修琴堂挹子賤之風恒餘跼蹐歌詠  
不足願言發揚見求微詞以載貞石其所書者止於郢州  
置廟之實即夫子懋緒隆德蓋存諸史冊且溢於古人之

口豈余頑童敢記頌焉銘曰

振頹周室警寐殷楹曠千百年炯作世程大唐御極治致  
昇平咸五登三是孰與京聖王既興夫子乃貴苴茅列爵  
建廟崇位蘋蘩截海聳贖革思春誦夏絃於焉辨志惟范  
之陽巍巍建邑朝命有作州廷乃立廟革新題堂升故級  
縣案寄奠生徒罷習崇崇大賢昔歲臨茲匪頒勞役克就  
嚴祠美矣像設森然具儀風化之源一至雍熙斷斷伊人  
恪居所職食蘩苦志戴星任力瞻我宏規闡我明德爰琢  
琬玉阼階之側

呂頌

頌德宗時官左司郎中

賀南郊大赦表

臣某言伏奉去年月日制書禮展郊禋告成上帝恩霑動  
植道洽幽明東風變而四海春聖帝作而萬物覩懷生庶  
類罔不歡忭中賀伏惟皇帝陛下體元立極撫運受圖御  
一氣以乘乾飛六龍而出震德合天地明齊日月叶三光  
之幽贊承八聖之睿謀頃者國步未康王室多難兵纏禍  
結害及生人塵飛寢園燧燭郊甸陛下乘時順動鑾駕南

巡凡在食土之毛圓首之類莫不號天向闕望風瞻星遂  
得猛士雷奔義旗雲合西戎自效北狄爭驅一舉而氛祲  
掃清斃勞而寰宇大定則知千年降聖天命有歸六合奉  
尊神器斯在今農郊罷戰邊徼無虞九有偃戈八方同軌  
荷皇慈之覆育知聖祚之靈長匪人革心罔不咸率陛下  
勤禹湯之罪已法堯舜以爲心肅恭神明虔奉宗廟損抑  
徽號憂濟黎元始自迎長之初大申報本之禮冊勲旌舊  
列爵分官宥死緩刑掩骼埋胔粟帛周于耆老奠酌及於  
幽冤天覆海濔與人更始釋羸俘於死地俾異域而生還

赦枯木之嚴刑蠲執殳之常賦臣及三軍百姓蠻夷酋長  
等伏讀制書沐浴元澤莫不喧呼抃躍蹈舞徘徊絕徼窮  
荒盡沐生成之造翔飛蠢動俱承雨露之恩臣限以藩守  
不獲稱慶闕庭無任踴躍慶抃之至

黔州刺史謝上表

臣某言伏奉去年某月日恩勅授臣使持節都督黔州諸  
軍事守黔州刺史兼御史中丞臣某中謝臣以今年某月  
日到所部上訖螢爝之光無裨日月螻蟻之埳謬廁邱山  
臣素以凡庸幼乏師訓遭逢聖代志業無聞往昔建中之

初佐戎南海屬陛下飛天御極拔異搜能臣謬居朝謁之中嘗備對敷之末臣於延英殿獻大禮賦一首特奉恩旨令臣自讀天顏咫尺芻鄙必聞一覽繁詞三蒙眷獎宣付史館列在圖書此微臣之榮一也尋屬賊臣希烈上表臣奉詔奔馳因茲淪陷臣忍死效節偷生竭忠分士伍以弱枝獻土地以強幹當元兇授首之際亂兵害帥之時玉石不分生殺未定初則傳臣及禍後乃知臣僅存陛下分命宰臣念形于色始臨軒而出涕終省表而再歡君上之慈古今未有此微臣之榮二也妖氛即殄飛詔追臣就拜銀



青仍加金印授官華省列位聖朝萬死之中再肉白骨九  
泉之下獨見青天此微臣之榮三也去歲季春陛下與太  
子諸王賦詩見宴中書宣付遍示百寮凡在臣下無不奉  
和擢居第一唯臣一人獨荷殊旌乃蒙厚錫光生御札榮  
溢天衢百辟具瞻萬人傳誦此微臣之榮四也臣本書生  
謬登清秩始詳刑政旋改轄司陛下不念愚蒙擢臣非次  
草奏之地忽降旌旄郎署之間遽遷方鎮此微臣之榮五  
也臣聞受寄崇者其勲大荷恩重者其感深今臣無迹可  
稱無功可紀累承睿渥叨冒寵章草木逢春罔答陽和之

金史卷一百一十一  
三  
煦昆蟲啟蟄寧知天地之仁將何以受陛下非次之恩答  
陛下殊常之造臣伏以黔巫遠僻山洞阻深地極荒陬人  
多逋梗不生五穀不識桑蠶迫之則鳥獸同羣緩之則木  
石爲伍臣謹當申明朝典宣布皇慈扇以仁義之風諭以  
君臣之道俾知教化或漸庶幾誓安遠人永清殊俗臣無  
任荷恩寵之至

謝賜春衣及牙尺表

臣某言中使至伏奉某月日勅書及所部將吏僧道百姓  
等伏蒙聖恩慰勞并賜臣手詔及春衣兩副金縷牙尺一

面大將衣若干者天睠遐臨恩波渟及跪承寵賞以懼以  
慙臣某中謝伏惟陛下德配二儀恩覃九有雖雲雨之施  
在物無遺而渥澤所加於臣爲幸誠以任叨藩鎮才本庸  
虛威畧不足以暢皇風政術不足以裨朝政傾慙曠職常  
用疚懷今又特降寵臣俯延殊獎頒以尺度承春令之溥  
臨賜以衣裳荷天慈之遠覆榮均將校慶被蒸黎歡心積  
于萬靈喜氣盈于五嶺臣往塵近掖負敗已彰洎守炎陬  
恩禮彌厚實懼無功之賜敢安逾分之榮仰戴鴻私捐軀  
寧報無任感恩慙之至

謝賜冬衣表

臣某言中使至伏奉勅書手詔并賜臣冬衣一副大將衣  
兩副者九霄垂露忽降天文萬里飛輶更頒盛服臣某中  
謝臣凡庸淺劣才不逮人謬荷國恩猥居方鎮自宣風撫  
俗猶未周星朝章已布于蠻夷聖澤載覃于遠道將士等  
干戈久戢歲月空深曾無橫草之功累授賜衣之慶伏以  
陽和生植不隔薰蕕日月照臨寧分遠邇喜溢要荒之外  
榮均將校之中蚊蚋力微邱山難荷無任感戴兢惶屏營  
之至

謝賜冬衣表

臣某言中使至伏奉某月日敕書慰問將士官吏僧道并  
賜臣手詔及冬衣兩副大將衣五十副者清禁絲綸特臨  
遠鎮中天雨露忽灑炎州感戴殊私抃躍無據臣某中謝  
臣頃踐臺司已招負敗洎分戎閫又寡威謀陛下黻纁闕  
遺舍宏尸素恩深全宥德邁生成地偏而頒賜每臨節換  
而授衣先及王人宣勞降自烟霄宸翰昭融如瞻日月綢  
繆睿睠咫尺天顏三軍激踴躍之誠五嶺溢謳歌之響皇  
慈溥洽顧品物而均榮寵渥謬加在微臣而增懼非勤勞

以受賜徒跼躋以祇恩灰壤爲期豈云上報無任感恩荷懼屏營之至

謝端午賜衣及器物等表

臣某言中使至伏奉詔書并賜臣衣一副金花銀碗二枚百索一軸大將衣兩副者大明生東無遠不照時雨潤物有形必霑臣某中謝伏以朱明屆節端午良辰寶曆叶於重離聖壽齊於兩曜臣凡愚賤質草木微軀謬居藩鎮之榮獲守黔巫之地豈意聖慈天覆不隔遐荒珍物出於九重麗服延於萬品臣與將校等雖備戎旅素乏勲庸當蠻

微廓清之時霑普恩頒賚之慶榮分閭外喜溢行間仰戴殊私罔知所報不勝抃躍之至

謝敕書賜臘日口脂等表

臣某言中使某至伏奉勅書手詔并賜臣臘日藥物及銀合等千年聖歷忽降遐荒萬里天書更臨下土臣某中謝臣駑駘賤質草木微生謬荷國恩擢居方鎮按俗闕澄清之任臨戎無毫髮之功累授殊私薦霑芳澤況靈長上藥列在仙方芬馥蘭膏出于中禁豈臣庸陋宜此寵榮感戴天恩不勝抃躍

謝敕書賜臘日香藥口脂等表

臣某言中使某至奉宣聖旨賜臣臘日香藥口脂等宸私曲被殊賜薦加祇奉恩榮荷戴惶灼臣某中謝陛下德施周普蜡百神而魚蟲不遺慈澤旁流錫羣下而細微皆及謬承良藥之貺豈當同體之榮龜手既沐其芳馨香膏又露于脣吻賁飾之道備幸于臣澤浹肌膚恩深骸骨撫心揣分慙厚施於天休賤質庸軀荷曲誠於元造實爲僥倖何以克堪涓埃無補于綱維濡渥有加于蓬賤邱山惠重螻蟻命輕覲厚顏于死生覲忘軀而徇節



謝賜口脂表

臣某言中使某至伏奉宣賜臣紅雪口脂各一合降自重  
霄賚于賤品承旨慶抃省躬慙惶臣某中謝臣謬處準繩  
遂更律候每慙效薄常懼食浮豈謂特荷鴻私猥霑殊賜  
時當蜡臘澤浹幽微彩雪蠲邪無虞于美疢芳膏盡飾有  
愧于陋容徒罄丹誠不知上答無任感戴之至

謝賜口脂等表

臣某言中使某至伏奉敕書慰諭并宣進止賜臣紅雪紫  
雪口脂等慶賜以時寵光逮下捧詔心悚承恩汗流臣某

中謝伏以元律送寒清霜戒臘九天布惠萬類發生臣以庸虛謬當任使觀風未久按部無能而陛下俯念守臣恩同勲舊詔垂御札藥稟仙方降蘭澤以傳馨頌玉厯以示慶實慙固陋忽被光輝撫躬循已終夕愧厲謹當訓整師旅牧養黎甿數雨露之恩宣日月之照俾瘡痍漸復江湖安流庶于涓毫上答山岳伏惟皇鑒俯照丹誠

爲張侍郎乞入覲表

臣某言去貞元五年於延英殿賜面辭之日親奉進止令臣一考即來者臣謬承聖獎猥守方隅自到黔中首末三

年更入新正即及四載臣素以微生叨居重鎮恭行朝旨  
宣諭皇恩種落遠人庶幾於理伏以遐荒僻阻控帶諸藩  
溪洞蠻夷性本生梗木石爲伍鳥獸同羣寬之則伏匿山  
林不遵王命迫之則結聚蜂蠆害及邊陲臣于撫馭之間  
酌其中道示以威惠諭以憲章以清靜臨人以不擾爲政  
開設學校令知君臣父子之道勸勉稼穡令知生成衣食  
之原減其征徭蠲其力役今國恩遠及夷落大安萬里勤  
王一方無事臣管内素多瘴癘山峽重深毒霧蒸雲常在  
牕戶四時多雨不識霜雪終歲陰昏少見天日出門無路

舉目唯山猿鳥之心如在籠檻臣從去年冬初忽染脚疾  
膝脛頑痺行步艱難絕無醫人素乏藥物深山窮谷無處  
市求任重命輕何可言疾臣先奉進止一考令歸又準敕  
文二年與替臣今歲月以久疫癘交侵況奉綸言難堪更  
住臣久辭天闕戀切龍顏瞻望天門不勝涕隕無任攀戀  
切迫之至

再請入覲表

臣某言臣去貞元五年面辭之日親奉進止令臣一考即  
來臣謬荷聖恩擢居方鎮炎瘴之地首末四年恭守廟謀

宣布皇澤唯以靜理惠卹遠夷今縣道宴清干戈罷戢雕  
題左袵萬里勤王溪洞之人無不樂業此皆聖上之恩豈  
是微臣之力臣從前年六月患脚膝行立艱難秋深以來  
更染風疾又從去年六月直至今日不見三光山谷昏昏  
終日陰雨吞茹瘴毒實所難堪伏奉敕文二年與替況奉  
進止一考令歸臣疾癘所侵氣力衰敗素無醫藥恐不支  
持臣伏見近日以來楊悅孫誠李速裴腆皆在遐裔相次  
喪亡特乞聖恩全臣性命許臣準敕歸赴闕庭再覩龍顏  
灰粉無恨臣去年十二月已進表陳乞情有至切再瀆宸

聰伏乞天慈救臣疾苦不勝懇迫憂塞之至

降誕日進光明砂等狀

右臣伏以大電遶樞千年感聖神光照室六合歸尊恭惟  
降誕之辰實啟乾坤之祚普天稱慶率土同歡仰舜日而  
徘徊望堯雲而抃躍前件光明砂等金丹上品著在仙經  
願因不朽之姿永固長生之壽

降誕日進光明砂丹等狀

右臣伏以上元降聖之時皇帝出震之日天垂景曜遠北  
斗以呈祥人竭歡心願南山而爲壽前件光明砂丹等管

內所出服餌所尚生依仙谷誠有驗于仙方貢自蠻夷幸得充于御府臣藩守有限不獲稱慶闕庭

賀陸相公拜相啟

某啟伏見詔書相公拜上台之位寅亮天工登翊王室弼成大化佇致和平叶一人夢卜之求副四海具瞻之望凡在中外孰不慶幸方今聖主文明天下思理兵革不舉于茲十年黎元有再安之望戎馬有歸牧之勢夫物應有兆機生其微制動者守乎靜求直者端乎表秉鈞者慎始而圖其終也相公天實生德錫我皇家禹禹蒼生延首以望

蠻夷左衽亦仰無窮某受任遐荒職在邊鎮瞻戀欣抃無任下情

賀趙相公拜相啟

某啟伏見某月日詔書伏丞相公膺啟沃之心登輔弼之任人望已久天意下從休聲颺馳浹洽海內凡在士庶不勝慶幸伏以陛下文德聿修武功克靜浸沴不作昇平漸階正可乘天時以創制因人事以立法天其或者必以相公乘啟聖之運致仁壽之期自然百度以貞九流式敘霜露所墜罔不開化蠢動含生皆遂其性致君堯舜何獨古



人某受命荒服職在天涯瞻望喜躍無任下情

謝竇相公除男襄州參軍仍許隨父啟

某啟男元曜蒙恩授襄州參軍又奉七月初四日敕書令  
隨父準例支給料錢者恩生不次事出非常仰戴天慈伏  
荷仁德以欣以懼戰越交并伏以國朝故事及古名臣惠  
及黎元勲高社稷則有賞延于代祿及于家或總角腰章  
或垂髻結綬綺紉拜命襁褓分榮自葉流根蓋超彝典某  
繆承聖獎猥守方隅政教無聞典禮多闕男尚幼小濫廁  
班榮相公念以遐荒將與便近更許隨父仍給料錢榮超

流輩之中賞過彝章之外退循涯分喜躍伏深限以所守  
拜謝未由下情伏增戰灼